



CONVÈNI DE COLLABORACION ENTRE FUNDACIÓN HOSPITAL DE BENASQUE E ER AJUNTAMENT DE VIELHA E MIJARAN

Vielha, 17 de deseme de 2020

AMASSADI

D'ua part eth Sr. Juan Antonio Serrano Iglesias, Alcalde der Ajuntament de Vielha e Mijaran, assistit pera Secretària dera Corporacion.

Der auta era Sr. Ramón Tejedor Sanz coma President dera Fundación Hospital de Benasque, damb domicili en Camino Real a Francia s/n de Benasque, e damb Cif G22317374.

En tot reconéisher-se reciprocaments era representacion damb era qu'es compareishents actuen e era capabilitat legau sufisenta entà soscríuer eth present document.

MANIFÈSTEN

1èr.- Qu'existís era Fundación Hospital de Benasque, legaument constituïda, plaçada ena localitat de Benasque, en Camino Real a Francia s/n.

Era Fundación Hospital de Benasque a coma objectiu promòir tota sòrta de manifestacions dera cultura pròpria dera Val de Benasc e deth Pirèneu e sauvar eth sòn patrimòni documentau.

2au.- Qu'ei voluntat der Ajuntament de Vielha e Mijaran balhar supòrt economic entà recopilar un hons documentau sus es vincles istorics des territòris de Vielha, Benasc e Luishon.

3au.- Er Ajuntament de Vielha e Mijaran a en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada per Acòrd deth Plen deth dia 26 de seteme de 2007 e per Acòrd deth Plen deth 22 de seteme de 2014. Aguesta Ordenança establís en sòn article 10 qu'es subvencions poderàn autrejarse directament en quauquì casi, entre es quaus se trapen aqueri enes que s'acrediten arrasons d'interès public e sociau.

4au.- Era Ordenança Municipau tanben establís que normaument er autrejament dirècte se formalizarà en un convèni.

Peth tot çò, convien eth present convèni e ar efècte establissen es següenti:

PACTES

PRUMÈR.- Qu'er objècte deth present convèni ei era collaboracion entre er Ajuntament de Vielha e Mijaran e era Fundación Hospital de Benasque, entà balhar supòrt economic entà recopilar un hons documentau sus es vincles istorics des territòris de Vielha, Benasc e Luishon entara realizatzacion dera exposicion Reiaime der Aneto.

DUSAU.- Qu'en marc d'aguesta collaboracion er Ajuntament de Vielha e Mijaran collaborarà damb aguesta fondacion damb ua subvencion per un impòrt de 2.300,00€, a cargue dera partida 2020-1-33400-480036-01.

TRESAU.- Era Fundación Hospital de Benasque justificarà ar Ajuntament de Vielha e Mijaran eth destin dera subvencion, e aurà de presentar es factures e es rebuts des pagaments corresponents, auments per un impòr deth doble dera subvencion autrejada. S'aurà de dar compliment a çò mercat en article 8 dera citada ordenança municipau.

QUATAU.- Sense perjudici de çò dit anteriorment, er Ajuntament de Vielha e Mijaran, e per miei dera Intervencion de Hòns Municipaus, a era potestat irrenonciabile d'efectuar eth contròtle d'aplicacion des subvencions e ajuts economics de quinsevolh tipe que s'autrejen, entà verificar feacement que s'invertís ena finauetat entara que s'autrejèc, tot çò en compliment der article 189 e 214 deth Tèxt Rehonot dera Lei reguladora des Isendes Locaus.

CINCAU.- En toti es impresi e òposcles que s'editen damb referéncia ad aguesta activitat se harà constar ar Ajuntament de Vielha e Mijaran coma collaborador.

SIESAU.- Eth present convèni aurà ua vigéncia d'un an.

SETAU.- Es parts signatàries d'aguest convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

E en pròva de conformitat, ambdues parts signen eth present convèni per duplicat e sonque a un efècte, e en lòc e data nomentadi.

**JUAN ANTONIO
SERRANO IGLESIAS**
Alcalde de Vielha e Mijaran

RAMÓN TEJEDOR SANZ
President dera Fundación
Hospital de Benasque

Secretària der Ajuntament